

- Sagde imu tho te tekne tho sie thar to forun  
 themu folke binoran, te thiu that sie ni farfengin thar  
 10 erlos odren man: 'Ik gangu imu at erist to' quad he,  
 'cussiu ine endi queddiu: that is Christ selbo.  
 Thene gi fahen sculun folco craftu,  
 binden ina uppan themu berge endi ina te burg hinan  
 ledien undar thea liudi: he is libes habad  
 15 mid is uuordun faruuerkod.' Unerod sithode tho  
 antat sie te Criste kumane uurdun  
 grim folc Judeono, thar he mid is iungarun stod  
 mari drohtin: bed metodogiscapu,  
 torhtero tideo. Tho geng imu treulos man  
 20 Judas tegegnes endi te themu godes barne  
 hneg mid is hobdu endi is herron quedde,  
 custe ina craftagne endi is quidi leste,  
 nuisde ina themu uerode al so he er mid uuordun gehet.  
 That tholode al mid githuldiun thiodo drothin,  
 25 uualdand thesara ueroldes endi sprak imu mid is uuordun to,  
 fragode ine frokno: 'Behui kumis thu so mid thus folcu te mi,  
 behui ledis thu mi so these liudi to endi mi te thesare ledan  
 thiodo  
 farcopos mid thinu kussu under thit kunni Judeono,  
 meldos mi te thesaru menegi?' Geng imu tho uuid thea man  
 sprekan,  
 30 uuid that uerod odar, endi sie mid is uuordun fragu  
 huene sie mid thiu gesidiu sokean quamin  
 so niutlico an naht, 'so gi uullead nod frummien  
 manno huilicumu.' Tho sprak imu eft thiu menegi angegin,  
 quadun that im heleand thar an themu holme uppan  
 35 geunisd uuari, 'the thit giuuer frumid  
 Judeo lindiun endi in godes sunu  
 selbon hetid. Ina quamun uui sokean herod,  
 neldin ina gerno bigeten: he is fan Galileo lande,  
 fan Nazarethburg.' So im tho the neriendio Crist  
 40 sagde te sodan that he it selbo uuas,  
 so uurdun tho an forhtun felc Judeono,  
 uurdun underbadode that sie under bac fellun  
 alle efuo san, erde gisochtun  
 uideruuardes that uerod: ni mahte that uuord godes,  
 45 thie stemmie antstanden: unarun thoh so stridige man,  
 ahliopun eft up an themu holme, hugi fastnodun,  
 bundun briostgithaht, gibolgane gengun  
 nahor mid nithu, anttat sie thene neriendion Crist  
 uerode biurpun. Stodun uuisse man  
 50 suido gornundie giungaron Kristes  
 bioran theru derebeen dadi endi te iro drothine sprakun:  
 'Uuari it nu thin unillio' quadun sie, 'uualdand fro min,